

拜
經
樓
詩
集

拜經樓詩集卷三

起戊戌盡壬寅

海寧

吳

騫

樹客

書

蠡塘雜詠

五十二首

千里吳山接越都半篙春水浸塘蒲傾城載得鴟臍子

卻笑淹畱似賈胡

咸淳臨安志范蠡塘在鹽官縣西三十五里故老云昔少伯進西子從此

吳人

古剎千秋冷玉魚魂歸帝子一長吁老僧愛說前朝事

歷歷搜神記不誣

長安覺王寺後有三女堆舊志相傳謂吳大帝第三女蓋公主魯育墓也

按主以不附廢孫和之謀為孫峻所殺初葬石子岡孫皓時改葬此殆其改葬之墓與裴松之注引搜神記改葬時令兩巫伺冢傍見主現形衣飾如璚時撫膝長吁又海昌外志三女堆嘗有怪萬歷己丑盜發之不堪得

蓋其
驗也

章公遺碣樹西崖簾捲滄溟欲瀉懷爲訪治平年內跡

松花和雨溼僧鞋唐章孝標西山廣福院詩有捲簾滄海近及松花點衲衣之句宋治平中

勒石置西山右班殿直監澈浦稅樊世卿書咸淳臨安志以此爲宋楊瑋詩誤

監司玉盃出幽泉卅五光陰等逝川猶喜汝南多好事

銘甄收得大中年寧城宣德門外有演武場耕者于場側得古墓誌甄知爲唐汝南周君諱

文遂字道從職爲監司大中年二月終于天長之私館年三十有五凡二百四十餘言書頗有歐褚遺意周

松靈大令構得橫而藏之

上塘草綠似裙腰西望長河帶一條好是年時常緩廟

與郎竝舫度花朝常緩廟在許村不知所自始土人第稱曰常緩大王每歲二月十一日爲

神誕士女
祭賽特盛

白水環城綠繞堂閒街冷落墨卿坊不知賣餅誰家子

笛韻悠然出短墻

綠繞堂在邑治後橫浦先生舊題也墨卿坊宋時十坊之一今廢賣餅事

詳北窗
炙輠錄

未逢秋汛說秋防君築鹹塘我淡塘待把秧田廟神訴

秧田若個不曾荒

宋嘉定中浙西提舉劉屋修築六十里鹹塘及淡塘詳宋史河渠志按鹹

塘在城東咸淳臨安志淡塘在縣西嘉定間邑南海沙坍增築隄防自市境西至秧田廟廟今尚存

寒食划船逐歲增蹴波龍虎勢飛騰也知南渡衣冠好

麥飯何曾到六陵

划船濠在城北歲以清明日羣集爲水嬉船尾旌旗竝繪龍虎或書南渡

世家蓋猶南
渡之遺風也

廣寒一掬清禪關中有郭熙畫春山

東坡句

狼籍梅花空

滿地曬書不及曬魚閒

靈泉在真如寺側宋邑令陳逸記曰好事者謂茶得泉如人得

仙安知靈泉亦能點化甌中廣寒也寺有郭河陽山水又有宋梅曬書坡竝張无垢先生故跡曬書坡今俗稱

灘曬魚

趙家小女芙蓉色玉碎香銷歸不得風吹野草結同心

血染羅裳度寒食

趙氏宮梅宋宗室女善屬文未笄而卒葬沈山試箭嶺下遺詩有云惱殺

夜來霜夫容變曉妝誰將少君術招我舊羅裳

北窗著論發先賢伊洛微言藉一編他日襄陽述耆舊

阿咸應併二難傳

宋施彥執嘗作孟子發題以排釋氏又著北窗炙輠全紹衣云是書于伊

洛再傳弟子多所收拾如周正夫謝上蔡之弟子其姓氏僅一見于橫浦集而此載其言甚富陳長方王信伯

之弟子附見于信伯語錄亦無多而此所引堪相疏證
陸子正尹和靖之弟子林艾軒之師宋史于艾軒傳中
但載其字而失其名徵是書則吳下源流將焉所溯騫
謂不獨此也錄中載彥執兄國光攻苦力學爲无垢所
稱于時江浙治詩者多出其門又彥執從子庭先亦王
信伯弟子當皆不愧儒林而前此志載闕如非遺憾與
屯田俗曲剩淒涼待制雄文日月光不解雌黃李清照

露花將與竝天香

无垢對策有桂子飄香之語李易安

張九成露花倒影柳耆卿句

也耆卿詞當時有俗曲之目

雪埋不死千年樹帆轉俄驚瀚海程嚮使雙龍齊入貢

使君奚止賜緋榮

東坡安國寺雙檜詩山雪到腰埋不

國寺悟空手植雙檜大者宛如龍鳳小者與常檜不甚

異官和中朱勗遣李燭取以供進大者由海道遇風濤

舟楫皆沒小者只從漕路進

既獻上知縣鮑慎好賜緋

櫻桃初熟映窗紗
繡綫慵拈午夢賒
小妹不知春已去

倚闌閒評七家茶

寧俗立夏日以諸果雜茗相餉遺名七家茶

沈園楊柳不飛花
兒女情牽暮景斜
休歎鹽官監薄稅

匹如瓠子在冬瓜

放翁有送子坦赴鹽官縣市征詩見劔南集

白雁南飛浩劫終
越陵烟樹鳥呼風
傷心祇有張僉判

猶向毫端覓故宮

張逢原字淵甫鹽官人橫浦漳州僉判宋亡不仕句曲外

孫官

也朱氏鍊網珊瑚載其題高房山夜游圖有廢宮臺殿和烟鎖隔岸江山對月看之句

叢塚雖荒宦跡存
生兒何用後權門
沙門島上寒飈急

落日啼猿迸斷魂

魯頤就李人紹興中令鹽官作叢塚三葉延年爲之記宋史韓侂胄傳侂

胄娶吳氏憲聖皇后從女無子以魯頤子爲後名玠侂胄死削籍竄沙門島

木落霜高雁叫羣忽驚寒信到江濱阿婆出入慣風雨

不比巫山一片雲

俗以九月十三為孟婆暴謨若爆蓋

不知所始北齊李駒駱聘陳問陸士秀江南有孟婆是何神也士秀曰山海經帝之女游于江中出入必有風雨自隨以帝女故曰孟婆

猗猗紫竹繞柯亭身後身前身渺冥解憶逍遙樓上坐

幽香一炷寫遺經

張岱夢憶載朱文懿公為无垢先生後身无垢膏降乩與文懿談宿世甚

悉且約公會于逍遙樓語以柯亭紫竹菴有殘經命取續之如出一手文懿名廣山陰人官至文華殿大學士

羽衣霞帔日蹁跹攜手松陰兩謫仙比似茅山好兄弟

居然清祿洞天懸

元劉大彬茅山志采真游篇有洞元館主鹽官朱法永仙靈館主鹽官朱

法景按法永法景疑是伯仲此與咸淳臨安志所載結墅靈隱二鹽官朱世卿蓋皆六朝時棲真脩道之士也

奔徙頻頻避亂軍驚籠身世感離羣祇今木埭村邊女

賺得金泥簇蝶褰

吳梅里吏部舊居淡塘之北申酉間與夫人避亂分投奔徙吏部四遷至

木埭詩有衣憐鶉結蒙茸好家勾鶯籠咫尺寬之句木埭在楓樹廟北其地婦女多假少君之術以惑世謂之

關魂

漆光研出寶砂明宛似宣和舊日坑設遇中書應一笑

陶泓元是楮先生

北寺巷有程氏工爲紙硯用精楮爲質和諸石砂雜漆成之宜墨與端溪

無異

遠岫孤雲傍鶴巢天開圖畫俯烟郊舊游記得人三五

松下禪關帶雪敲

天開圖畫閣在紫微山廣福院西使哉樓在惠力寺側賞雪最勝

九十銅權字作雙曾因金穴醉銀缸不知覆甌眞何術

賺得楊花遠渡江

楊無頭者戚姬衙民也偶附海舶至越中山行聞有呼已名者謾應之見

數人自稱劉文成後人拉其助發藏金楊隨其往果得諸野廟中酬以銅權一白鏹數兩蓋皆藏中物也權面有九十二字背有至正十八年造六字無頭死子購得之土花斑布極可愛玩一夕失去

泥橋那得十八里總為相思爾許長郎住橋南妾橋北

相逢多在水中央

泥橋又曰倪橋在邑東三十里俗稱十八里泥橋

軋軋鳴機徹夜闌松

農煮紫微寒問郎近直增多少

山下新添稅務官

紫桃軒雜綴硤石出紬名天水碧亦曰松陰色按此紬即今紫微紬以紫

微井泉煮繭有天然碧色宋時硤石當設稅務見咸淳臨安志今小街有名務上者當即其故址

吏隱江城歲幾遷放衙常自對嬋娟忽驚軟語燈前報

早晚除書下九天

縣廨舊有狐魅若好女子令每夕治文書輒來侍筆硯將有遷轉恒先期

報賀蒲田林公爾肅嘗
親見之詳尊鄉贊筆

章獲堰口寄征衣眼看漕艘接尾稀秋社歸來春社去

一生那見燕雙飛糧艘俱挈家惟寧獨否每歲以二月往八月歸

玉軸牙籤觸手新多教管領畫眉人蜜香樓上連雲焰

幻出狂花倘有因陸辛齋先生家洛塘有蜜香樓須雲閣分藏書畫順治乙未冬竝燬于火

自悼詩有云劫火空羣相狂花幻有因

共守山陰省過條南村雞黍遞相邀中郎沒後遺民少

菜把園官也寂寥陳乾初先生嘗與祝眉老查石丈許欲爾復割山房數楹蔬圃一區詳見山中約

時貴池蔡來雲僑寓黃陀山中諸人月供資斧

清歌一闕小游仙海上流霞擬共餐相喚莫嫌常懶出

震中爭及桶中寬

陳震脩名克壘乾初之孫八歲即能詩晚耽道術賦咏多近游仙後遇異

人王其養于家常居一木桶中如鷲籠書生然出游必攜與偕竟不知所終

幽亭長對碧蘿閒終日含顰望遠山八百年來亭子上

誰家義鶴又飛還

白鶴亭在硤石西山唐仙馬自然故跡周五重孝廉居在東山之麓後園

有青蘿池孝廉舉家盡死惟一鶴日繞池哀鳴不去時人為賦義鶴行

三秋血淚漬芸編老友還將墓法傳內里山前分手處

死生契闊一凄然

龍山許李梅先生有孝行著問樞錄與先從祖勉葬公交莫逆季梅死于

獄公獨傳其意著全履堂墓法一卷

紫髯白面愛孫郎總角論交到老蒼得月軒頭舊時月

肯流清影出黃牆

孫茂才克傳與相國陳文勤公幼同硯席于得月軒交最契相國遇休假

恒訪茂才如布衣時茂才性孤介一室蕭然軒外有黃牆非送相國不出此牆至今人稱黃牆孫氏

仲容常赴竹林期落紙雲烟格儘奇畢竟風流傳未艾

貂裘玉笋換唐碑陳鼓濤輯世乾初先生從子省過會中人也尤工書法曾孫昆玉璘世其

家學嘗以美裘雙玉笋與人易歐書姚辯墓碑

道古樓高鑒賞推女紅龍輔况多才捉刀幾費牀頭力

併共烟雲付劫灰馬寒中上舍築道古樓于插花山收藏圖書珍玩為賞鑒家所推婦查氏

淑英亦著才名日觀山人序寒中詩云夫婦自相師友至寒中得意處未免疑為牀頭捉刀人有所點竄淑英

早卒寒中身後無子道古樓所藏俄皆散入雲烟過眼錄矣

婆婆樹底絳紗明舜水春風四座傾饒舌豐干緣底事

可憐東海兩狂生安國寺藏經閣下有杪樺樹二株餘姚黃梨洲徵君嘗在安國講經請業

者甚衆朱可人達獨遺書規之陳橋
謙奮永北刺講學詩數篇亦著微詞

雷山山下舳舻添春運從教漕使兼前事不忘查供奉

遙更一一紀郵籤咸淳臨安志雷山在邑西南四十里

接漕河不通多爲海運貢玩齋海歌云大星煌煌天欲

明黃旗上寫總漕名願得順風三四日早催春運到燕

京查初白內翰人海記中紀海運程途甚詳蓋海道多以更計也

自別汾陽歲已闌關河風雪夜漫漫挑燈譜出鳴鴻劇

付與柔些掩淚看查孝廉議吳順恪于微時人皆號稱

同太白議汾陽之句家有女樂一部旦色俱以些名有

柔些者色藝尤絕見毛西河詩鳴鴻度亦孝廉所作傳

西村流水繞東垞垞畔春風漾碧沙手把許渾詩一卷

倚樓還到夕陽斜

許冠叟詩為趙恒夫給事所賞有東垞詩藥花厂集

紅窗小舫慣留賓細雨東風幾度春不及娶妻鄉里好

柳陰撐出浪船新

細雨東風予小舫名舊有小詩云十

蓑歸去桃花細雨東風錢塘奚銑生為作圖浪船者彩畫鷁首而朱碧其四旁鄉里娶婦者多用之

流分天目勢奔瀟元覽思浮谷水艘果否長堤興築後

便教不復見東江

具清江云硤石兩山天目分流正出其中即谷水也梁元帝元覽賦時渡

谷水之陽尚想嘉禾之方顧夷吳地記谷水又東南逕鹽官縣故城南按谷水胡朏明謂即庾仲初所云之東

江曹允儒海塘攷自唐以來築捍海塘起鹽官迄吳淞江長百五十里而東江遂湮無攷

一腔碧血寄蠻鄉萬里丁零泣虎狼歸夢莫嫌江路遠

好風乞與洞庭王

查英來大令殉節隆安喪不克歸公子次谷冒亂至粵西訪得扶柩而還

經洞庭阻風同舟有扶鸞者遇洞庭王云明日
午時當助孝子順風一帆至期果得順風而渡

運水搬柴幾十春童游彷彿記前身涅槃臺下娑羅月

流照當時手爪新海鹽鄭端簡公幼時游安國寺恍悟

遍輒以爪刻柱為識試尋之爪痕歷歷詳惘下所

念切焉知體不完潛收雙淚博親歡儒林公議終難混

一語分明定蓋棺從大父誠菴公少游素溪何商隱先

斷其腕同時有遺書以虧體責公者亦不置辯惟同里

陳震脩先生以為雖近于愚孝然正非庸人所能及也

有贈吳玉章詩見雲怡詩鈔

葭莊幾見竹生孫荒草年年冷墓門誰唱沙亭夜來曲

春窗兒女最銷魂沈茂才復初為人任俠嘗為奪沙亭

戲至今有開沙亭
一齣爲復初作也

幾個輕航逐野鳬赤闌橋外半菰蘆殘星抱布高陳句

活脫江村夜市圖

周王廟郭溪俱產布兩岸漁舫輕小若鷺恒以五更盛集黎明而散陳改

之詩云殘星抱布客野火捕漁船狀景最工

時清新坂多鄉校世亂還屯廣利營贏得人言賈馬宅

青囊秘語驗文成

南史顧越傳所居新坂黃岡世有鄉校元季賈馬二族多好義樂施劉文

成膏館其家爲作黃岡書塾記二家先墓多文成所度人至今稱述之高青邱詩有落日黃岡處處營之句

才似蘇溪信崛奇超然難近白雲姿鎬京春酒陪周宴

絕倒香簪兩句詩

水東日記海昌詩人蘇秉衡嘗言宋一代近體彷彿唐人者僅王禹玉元

夕一詩耳猶嫌其三四一聯雷字音調未諧易作陪可耳騫按雪溪持論之嚴如此然少日乃以繡鞋詩得名

此詩音調既卑又脫胎于瞿宗吉香奩詩也

香茗清才世所難北宮芳行好誰看後時黃絹尋遺表

猶有烏啼夜月寒

孝女淑君諱璽從諸兄講學交相傾服天性尤至

孝侍母疾以勞卒仁和杭堇浦先生為撰吳孝女墓碣比之北宮之女

撼枕潮連客夢喧夢中指動醒忘言珊瑚樹挂珊瑚網

正好秋風去放黿

祝士希大令昔下榻予憶昔樓每相唱和春潮枕上聞其警句也予嘗謂

可匹楓落吳江冷時有餉予以黿者巨若車輪八月十八日同放于海上珊瑚樹村之南士希賦長歌以紀其事

銀灣秋色老漁莊古道閒通少伯塘莫訝邨歌多聒耳

烏鹽元不隸官商

銀魚灣在舍北俗稱馬家灣產銀魚最佳過此則無

七月十六夜陳亦亭招集湖舫觀荷達曙

重湖水雲外夜久蒼烟空清光似不速先客來芙蓉亭
亭薄媚姿倚此中宵風鉞華旣不御態以含嚬工乍疑
洛川人掩淚辭魏宮凌波一微步十里香溟濛紛吾逐
清景欣與數子同棧榜古麴院閒尋水仙踪座有鮑子
都飲綠主得陳孟公自餘殷何輩各擅文酒雄元珠探赤
水象罔難爲功稠疊題我襟醉墨爲之紅人生百年內
會歎別苦豐鴛言陶嘉月奚必秋正中山水有清音安
事絲與桐遲遲花間漏隱隱雲林鐘不知海門日已復
生于東

尊道堂賞牡丹時仲魚有約不至

風送霓裳月映階金尊紅豆集詩牌
當筵祇覺霞重疊
泥露還疑粉細措蝶向錦幃尤繾綣
人方飛燕莫輕諧
後期卻惱高常侍忍遣芳菲負此懷

愚谷晚集

時緣飲將歸武林一如將適越

調病愜中園守拙樂環堵林昏日沈夕
風至涼在戶
同心二三子歎傲嵇阮侶洗杓巖下泉
彈琴松間鳴調冷
慮逾澄賞新趣彌古雖非河朔懽庶以
滌煩暑侵尋白露下竹月澹初吐仰視
天宇曠雙星限河渚抱此離恨端脈脈
不得語人生亦何常前路修且阻願言永
茲夕

莫問花外櫓

秋思

微微涼露欲侵軒
切切秋蟲語漸繁
正是蓉裳將褪候
玉簪香處又黃昏

練湖雙節詩爲周玉衡室某氏側室某氏賦

梧桐園中百尺井
上有鹿盧牽素綆
桐枯綆斷井不波
祇爲愁人照雙影
君不見青陵臺
青天白日狂飈迴
精靈至久不相負
化爲蛺蝶還飛來
又不見杞梁婦
淋漓血灑邊城柳
無情土石尚爲崩
耿耿此心焉得朽
吁嗟乎練湖之節
何嶙峋爲君拂拭彈
龍脣孤鸞寡鵠各腸

斷恰邀月姊成三人

拜經樓晚望寄仲魚

孤邨曲曲通秋水小閣離離映晚楓
閒倚西風思去棹一天涼影雁聲中

冬日同人集湖舫餞別邵二雲編修

白沙堤畔果幽尋仙侶移舟比斷金
山色多從閒處遠湖光偏向雨中深
拋殘尊酒誰非客折贈江梅各有心
此會年來尤不易莫辭同聽猿猿吟

獨鹿篇

獨鹿獨鹿兩車一轂舍爾畱黃駕
彼殷殷君欲驅之上

太行中道傾危非妄輻

過問雲樓二首

門掩長餘雪樓高卻面湖
窗中來遠岫樹杪出浮圖
插架書千帙陶情酒百壺
十年容我住著論準潛夫

履識尙書叟香餘侍史含
硯林無晚歲雞樹有晴嵐
倚檻魚常隊窺桃客已三

樓前有雪桃嚴冬作實予自甲午至今壬寅凡三過洛溪

然許元度揮麈洽清談

晚泊萍江

繫纜江頭白雁初蕭蕭風葉感離居
寒潮夜落洲渚淺葦外一燈人捕魚

晨起題齋壁

一室蕭然寄病慵，低徊殘夢更惺忪。
荷邊初過隔池雨，竹外忽來隣寺鐘。
白首談元徒自笑，朱門鼓瑟爲誰容。
從來駟馬高車患，不到深村下澤農。

練瀆

霸國曾聞訓水犀，餘艘棹轉欲崩堤。
至今沙鳥不敢下，祇向越來溪上啼。

周藍橋詩

周藍橋生十有五年矣，恒日縛帚裁，孟無所云避里。
有金姬散髮行歌，見藍橋摩其頂，是前身射生者當。

墮飛走以力構藍橋獲免衆嗤其誕吳子以爲世或有是理友人五茸姚一如時爲秀才嘗爲書便面竝勸爲詩以付藍橋附諸子淵之約云爾

三生已事劇冥茫片善知堪弭百殃從此藍橋春夢裏莫將金彈打鴛鴦

雨夜與綠飲自落星庵至武原

殘星能化石遠激轉多風一雨秦溪至扁舟鮑叔同披蓑驚宿鷺滅燭聽歸鴻不分征途上猶餘兩斷蓬

海昌城外與綠飲別

握手辭泮水移燈過海城酒欺雙鬢短書放兩船輕不

待雞初唱似聞潮欲平東風和別恨併作雨千聲

贈海虞毛壽君茂才

琴川才子東吳彥底事頻年繫客蹤汲古還思窮宛委
涉江常自采芙蓉蕪城秋雨詩中畫壽君有揚州詩卷已刊行聖水
晴螺鏡裏峯准擬追歡同暇日莫教離緒感寒蛩

初夏過海昌

故相園東晚繫船半城新綠半城烟青梅未熟櫻桃雨
又是蒸茶浴佛天

東山惠泉禪院胡秋讀同游

紺宇青蓮外登臨愜古懽泉流諸澗應雲在萬松寒縱

目憑珠閣樓心倚剎竿無因謝塵埃長此伴髡殘

同綠飲游茶磨山許九杞先生故居

振衣千仞俯孱顏嶽廟西來第幾灣東海至今通散浦

南雲從古護青山

青山在茶磨之南

輸糧鶴喜田多歲解組人

言鬢未斑杜曲岡邊空翠裏高風猶對碧蘿閒

賜硯圖德清戚馥林茂才屬題

二首

傳來天上紫雲英雨露朝朝被玉靈回首鳳池初浴罷

一雙鸚鵡眼照人青

平如青鏡潤琅玕幾度清溪伴歲寒若向儒林修舊傳

宗文家世本鹽官

南史儒林傳戚衮鹽官人也

金粟道中示仲魚 三首

輕橈破曉烟殘月猶在嶺遠聞桑鼓聲頓令塵夢醒赤
鳥跡已遙白足事誰省翻翻貝葉名獨與茲山永山出藏經
紙唐宋以來有名白雲蔽巖腹花源迷進艇因知象教功足使
人境迴梅風竹間來淒其抱餘冷肆矚小溪橋回波蕩
帆影

春山遞明晦春澗增淙潺寧知遠林際積雪融微暄插
水殿脚古破壁龍鱗頑推篷兩逋客勝緣良非慳棲心
渺絕畝寄神已禪關得句可呈佛當推靈運先

香樓倚層巖衆峯擁其背微風飄梵夾散落雲霏霽何

年選佛場於此聞蒼靄松老鶴巢危池涵竹光碎優游
緬昔賢曰惟許詢輩茹芝共忘年交臂閱人代至今招
隱書猶抱繾綣態許九和與孫太初諸公書刻石猶在金粟寺壁伊予當分張
暫來同所愛時文漁將之燕永懷滄洲逸忍負巢居槩冲襟渺
莫喻一鳥鳴相對悠悠五岳期請事斯游再

過攬茝堂感懷溥原宗丈

二首

草堂何寂寞夫子竟淪亾不見蠅爲弔空餘客斷腸悲
歌懷郢路隣笛近山陽季重遺文在應同繡谷藏
竹塢松窗緬昔游酒旗歌扇總風流簪花每笑翁欹幘
射覆長容我典籌酣憶須眉驚座夜清憐肝膽照人秋

千金一諾尋常事風誼何慙季布儔

南樓老人水墨牡丹

南樓沒骨老擅場須眉不讓崔濠梁寫成有款不自署

妙腕卻借冬姑娘

武塘馮虞堂大令女南樓外孫也常爲書款

鈇華洗盡烟

痕重千古華清真一闌幽姿畱伴野人家不許紅塵擾
清夢

戲贈吳東明歸婚茗上

三首

渺渺菰城碧浪環仙風徐引鳳笙還好將五色懽書筆
寫取茗娘遠遠山

咫尺靈虛樂事兼離離况遇橘垂巖傳書賺得窺龍女

一笑誰知是柳僉

亭下蒼筤問管栽

吳興土語以誰爲管

簾前紅燭待儂回琅嬛自

接溫柔路不羨桃花玉洞開

和沈松溪游東塔寺元韻

香剎臨流暮靄凝伊誰鸞嘯學孫登墳荒故鬼傷春雨
塔廢平林借遠燈白鷺從窺方丈室元言互叩六朝僧
知君勘破浮雲夢不覺天花落幾層

宋芝山明經游豫章歸見過小桐溪且爲作小景

二首

葵樞風裏別杭州千里南昌好近游此日溪山看粉本

分明已入宋家秋

露荷珠滴晚風香
道我山齋類野航
爭似西江明月夜
一枝柔櫓唱船娘

夏日閑居聞絲飲文漁諸君涉園雅集卻寄

二首

綠竹名園舊鳳阿
滄江逸興起酣歌
永嘉南渡才尤少
漢上題襟句孰多
花落幾驚春婉婉
烏啼莫問夜如何
也知吳質新來病
不得綈衣挂薜蘿

公子歸來晚更忙
鶯鶯燕燕此相羊
桃源不似人間世
濠濮居然水一方
鏡裏芙蓉淒露粉
巖前松檜飽風霜
好畱第五風流在
重醉陶家九日觴

送魏柳洲葬

分襟俄瑟撤策馬重魂銷不謂金風厲終傷玉樹凋青
山魏野墓白石段家橋宿草猶堪惜休教野火燒

初夏雨後同陸白齋鮑綠飲陳河莊西湖泛舟

瑤瑤坡前喚渡航清游容易感流光鋪來弱絮隄渾軟
洗盡穠花水更香黛影也如雲意淡離愁莫共雨絲颺
祇期魚鳥隣同結妻子琴書聚一莊

渡太湖

底定思神禹茫茫震澤濱浮雲三郡合落木萬山陳風
晚魚吹日天寒雁送人鷗夷渺難卽前路更迷津

蛟橋夜泊寄萬香南茂才

少日呼鷹縱臂韝晚攜書劍此飄流憑君多貰蛟橋酒
待較南山虎髯髯

張夏廟

落日噪神鴉西風古廟斜
捍沙功不細蹈海計何賒
客竇畱蠻布漁歸薦石華
欲知門樹老曾繫斗牛查

十月十六夜次荅河莊十五夜小桃源對月見懷

之什

是夕月蝕

十里花源隔近游一槭魚素寄深幽
吟時定對金波冷到日剛逢玉兔愁
風挾重雲噉朔雁霜驚危葉墮南樓

黃泥坂下歸來客不著英雄數仲謀

武林別友

悵望平湖繫短槎相思百里渺天涯
烟模糊際山稠疊樹羃離中路直斜
蟲語已催秋婦織荷風欲散晚天霞
凌晨送客更西去愁聽江聲走白沙

送徐大使成瀛解官歸青陽

野酌動行色蕭蕭征馬寒西河方灑淚
大使時方喪子彭澤且休官
海國歲時晚天涯雨雪殘九華多舊隱
早報竹平安

題葛蕪園畫

平橋帶遠邨斜日沈烟浦何處一漁歸因風聞唱櫓

喜弓父學士過山齋話別

江鄉五月動離愁吾道從來拙自謀北去思求方朔米
東來還繫李膺舟閒隨野鶴過深礪卻爲藏書上小樓
三逕荒烟半牀月何時相伴老林邱

鷺湖晚興

遠寺疎鐘斷澄湖落照微幾家沽若下畱待網師歸

陽羨茶歌

迷陽界裏春來早萬玉參天風露飽何處先回粟粒芽
鱗鱗卻傍金沙沼老枝雀啄橫厓過稚榦撐烟烟欲破

夜來明月穿峽脅驚看慢山綠雲播活火蒸雲雲盡香
山中幾日開茶房廟前廟後品獨絕八十八路均頭網
憶昔栖筠初置貢黃琮蒼壁團龍鳳千里星馳紫燕風
一塵飛挽驂驪鞚斜封密印趁火前廣寒玉殿班羣仙
釵頭祇待薑牙點紗帽寧煩博士煎紗帽頂亦芥洞產茶處羊腸
詰屈車輪轉不斷松風翻海眼水精簾下靚妝人二月
嘗新兔毫瓊分到朱門日漸高花邊曲讌連櫻桃谷簾
遠遞勝三峽水脚爭誇一綫豪君不見山頭采茶山下
坐一月風鬟隨堀堞紅蠶未浴萋蒿大里符又下催新
課歸來不脫羅衣臥

花溪道中示河莊

春陰連雨及花朝望裏輕烟冷未銷翠幙半遮樓外檻
青山多隔寺西橋十年舊夢盈盈水二月新楊短短條
落得閒愁正無俚不妨併付酒旗招

秋日 山寫望

憑高聊極目薄暮與誰期峯峻霜飛早江平鳥去遲松
泉流古韻城角動秋颼欲問吳宮處蒼烟推不知

九日同吾竹房涉園登高贈芷齋張丈

落木蕭蕭砧杵稀驚風颯颯滿人衣同懷辭客三秋感
來叩名園九日扉座上題糕聞雁過峯頭側帽攬潮歸

雖然不是龍山會也勝登臨悵落暉

荅河莊立秋夜寄懷韻

鎮日桐陰俯碧流幾回離思黯然收荷風拂檻初辭夏
蕉雨驚簾忽報秋園吏生涯元夢幻騷人事業半牢愁
一編鄭重相投意五字河梁豈易酬

四月七日與河莊過著書齋夜宿舟中作

細數城頭鼓初辭竹下杯疎風來塔際片月落溪隈佛
憶晨當灌潮知夜亦回天親與無著例許一年來

去年此日

亦偕過松鶴大令

石鼓亭歌爲芭堂明經作

姬麻八百天所命黃虞以降疇能儔數傳忽遘厲之虐

皇綱幾絕同綴旃宣王奮起實令主中興日月光西周

內修外攘靖四裔肅清淮甸誅蚩尤蒐於岐陽武事講

毫敖成典斯其侔我車旣攻馬旣馳君子貢獵獵貢游

貢與云同馬氏釋史云君子貢獵貢獵右驂騶騶左驂騶

秀弓彤矢驚風獵八鸞和鳴六轡整或從原隰濟於邱

雉飛兔走熊虎殪繁華亞箬疑卽枝相繆褰裳負極悉

扈從雖有霑雨誰敢休第五鼓有極深以戶句按戶與

系傳作屈其魚惟何貫之柳歸薦寢廟充芳羞是時從

臣盡豪俊文武未遠能歌謳頌有吉甫史有籀大書深

刻垂山陬豈惟勒成告萬世直與二雅比劣優驚停鵠
跼跡尤異星斗錯落琳琅瑤娛蠹蝕殘河鼓腹快劒截
斷蛟龍湫自從秦人有秦雍至寶淪落春復秋而況斯
也不師古判割隸篆猶鴻溝委棄陳倉固其理雨淋日
炙呼鵠鵠唐初詞臣始著眼偉作獨讓韓潮州人間自
是競寶貴璫包駝背金雕鏤向非傳師力探索以白易
白適相酬珠聯璧合寧復得大開明堂朝諸侯聖人庶
下十數備儼列夏鼎商尊卣金粟山人抱奇癖嗜古不
減董薛歐一朝沐浴告祭酒太學願作經月畱淋漓潑
墨手脫擊素衣不覺翻成黝攜歸諦玩寢食廢惟恐化

作黃長虬亟構貞珉日鉤勒別開生面追方舟四百六十驪珠貫三千歲禩勝事搜永玉堂中貯不得誓營崇構臨滄洲以亭覆鼓鼓益古以鼓名亭亭轉幽良辰幾度集朋輩疾讀真如鉗去喉中郎武賁此其亞奴隸可視靈芝儔更尋偏旁推點畫務略糠粃存精鏐

芭堂復輯石鼓

文釋存若干卷

藏之名山期不朽西逾碣石東之朶先生有功

在宇宙神物呵護夫何憂趙家鷗波米家舫至今猶得傳風淅雕闌洞格日多暇帶草拂砌風披幃硬黃響榻幾千紙背以宮錦匣以綵嗟予東望烟海闊思之不見心如抽莫驚夜夜虹貫月要知光怪騰斗牛他年萬一

此亭廢定有仙人玉斧修

立夏後一日送陳甫申之太原

二首

都亭杯酒恨臨岐無那春歸不肯遲
滿眼離愁紛落絮
一天微雨長江離平生不作侯門客
此去還將代馬騎
聞說千秋汾水上西風南雁至今悲

漠漠風烟一望開飄零猶剩勒銘才
天圍雷首千峯仄
日落雲中萬騎來環珮有人曾出塞
悲歌無事獨登臺
漢家若問籌邊略愁聽飛狐畫角哀

拜經樓詩集卷三終

拜經樓詩集卷四

起癸卯
盡乙巳

海寧 吳 騫 槎客

善卷水洞

以下癸卯

翠壁排空勢欲傾，玉龍飛出更崢嶸。
祇看樹色連雲色，不道風聲是水聲。
淪茗聊資仙竈火，敲碁漫倚石牀枰。
人生到此元忘世，何必滄浪始濯纓。

江邨寒食寄河莊

依依垂柳暗遙汀，漠漠輕埃欲濕屏。
三日春陰花盡歛，一年寒食草空青。
蝶衣金粉迷歌榭，燕觜芹泥汚石亭。
誰道臨流堪勝賞，翻教無酒臥幽局。

題畫

古木新篁晚蔚然
菰蒲春雨暗江天
年來生計君知否
買得元真舊釣船

錦

脫手龍梭色未乾
清江幾度濯春寒
啼成蘇蕙千行易
乞得邱遲一片難
香鞵前塵迷蜀道
宮袍新樣奪齊紈
銷魂最是歌筵畔
趣取纏頭向夜闌

許州山孝廉冷邨烟樹圖

高情寄人外
樂志宜園廬
曖曖烟中邨
日夕清風舒幽
林帶叢薄遠
近致各殊
窈窕谷水陽
細路尤縈紆
疏峯

環列牖樾館臨清渠野花既盡落殘雪滿徑鋪恍聞幽

澗邊一鳥鳴午餘琴書日多暇生事樵兼漁緬惟古之

人蟬蛻軒冕途奚必冷與白君家有尚書相傳冷村爲

又云白尚書絲竹寄東山老屋枕南湖依稀杳靄間斯

舉無可攷境還斯圖流風被巖叡閱世等朝晡逝移放扁舩一徑

穿菰蘆不計烟深淺但看樹榮枯田家酒新熟斫鯉炊

彫胡爲問問雲雲此樂無時無問雲州山樓名

喜河莊補博士弟子

魯芹芳徧綠波回晚就從來是大材早卜神魚啣學舍

河莊少日尊甫嘗攜之祈夢于纔憑靈籙報妝臺詩成

忠肅墳有三鱣之兆因以命名

霽雪唐名士策射賢良漢茂才向使西湖存老守也應

蒿目爲君開

河莊夙爲太守邵公齊然所知欲拔置高等會卒不果

宋陳居中戲嬰貨郎圖

路近叢臺酒易賒花邊柳外足生涯兒童未省承平事
祇道丹青是夢華

金雲莊比部梁溪載泉第二圖二首

烏篷斜蓋碧玻璃撫景渾忘上番

去聲

攜惟有沙鷗如舊

識相隨直過御亭西

冷落瑤罌貯遠天回看玉斃冷秋烟山僧遙指江帆影
錯記明朝是火前

明呂百戶墓代耕山作

三首 百戶名鳳世襲澈浦所千戶嘉靖中禦倭寇

與子爵同戰沒墓在澈浦南門外演武場側

策馬沙場共枕戈更憐忠孝一門多
屏陵遺塚雖相望
風雨寧聞喚渡河

白楊荒塚近秦阿精爽千秋要不磨
落日寒潮驅萬馬
祇應遺恨失吞倭

風雲想像鐵衣飄帶礪功勛總寂寥
落得湖山遺廟在

年年春社奏靈簫

西湖忠烈祠在棲霞嶺側百戶與同時被倭難諸人並祀

霜柏歌

柏爲鄉前輩陳爰立先生手植因以霜柏自號

今尚在故居予與奉哉同觀既寫爲圖并係以

詞云

若有人兮礪阿常攀援兮庭柯陽和邈其旣遠永霜凝
兮孔多鳥飛兮未集擊片石兮太息竹枝兮不實魂歸
來兮焉食日斜兮荒汜極予望兮徙倚惟豐山之靈鐘
又殷然兮在耳

冬晚宿洛溪間雲樓

二首

雪萼堦前吐冰絃窗下橫礪泉流不斷一夜玉琤琤
野迴樹吟風樓高月疑曙臥聽柔櫓聲半入斜塘去

東霞步

以下甲辰

不斷谷中吹薄游原上邨崖松橫過澗雪竹半欹門童
稚歡相接壺觴意獨溫莫言生計促衣食自雲根

居人皆鑿

石爲業

早春懷河莊包山之游

冰開蠡口浪嵯峨聞道長洲雪夜過芳意尚淹梅信淺
鬢雲應較客愁多由來釣艇容高士況是金庭近玉娥
七十二峯登覽徧還題片葉慰蹉跎

次五洞橋

東舍溪邊水西洋渚上田獵遺寒夜燒耕出古城鴈鳥
唼歡新節邨醪及稔年當爐頻借問底事客帆縣

陳家渡

野店東頭略約閒一重沙嶼一蘆灣
漁歌忽斷清溪暝秋在蒼烟白鳥間

贈小正

晚向雕蟲意轉慵談經悔不早相從
辦香若準當時例師友平昌伏曼容

小正以所藏毛抄林和靖手帖見眎漫題

延平家事惟孤鶴汲古抄肯半冶妝歸向鷗波開畫篋

梅花香過墨花香

子晉書跋有云命侍兒效率更令書者

芑堂以烟波宅卷見眎兼屬作圖予未能遽應先

寄以二絕

金粟如來幾世身
竭來偏愛兩湖春
烟波構宅元非幻
爲有鳬鷺好結隣

粉本憑儂仔細商
吳綃輕拂黛雲香
笠簷蓑袂君家事
著個樵青定不妨

戲爲畫中八仙歌

筇竹方袍朱雪田
暗香疎影妙不傳
漁歌唱徹長蘆邊

朱春橋方謁

湖州老可秀州錢
雨葉風梢多自然
輔以怪石

瘦而堅

錢薄石載

蘭坻日夕聳吟肩
詩中有畫畫有禪
前身

得無王軻川

方長青薰

采芝英兮山之巔
作繪先呈繡佛筵

能事卻讓閨中僊

采芝山人汪亮

吳下僧繇金粟顛蒼龍破壁

驚蜿蜒烟波宅外江吞天

張文漁燕昌

蓉裳丹青秀且娟山

莊何必非龍瞋鳳池一去今幾年

余秋室集

宋五由來坦率

便解衣盤礴雅鬟前頗遭白眼呼老西

叶

宋芝鶴渚

遙應接酒泉閉關誓了山水緣淋漓醉墨霑衣船

奚鐵生岡

夏夕從小桐溪泛舟徑硤石至烏青訪綠飲道中

卽事二首

微涼生遠夢竹露月初明紫硤連星動青谿浴鳥驚故人
葛句漏詞客庾蘭成蕭瑟鄉關計何時感慨平

漁火沿汀白蘋香到枕濃忽聞歌水調知已出雲峯草

沒烏墩戍風傳宋堡鐘平明聊倚棹隔岸見晨春

讀綠飲珠泪詩題後

三首

鮑家小女離魂日句漏仙人徙宅時
腸斷青溪花下路一棺秋雨瘞瓊枝

月上歸來月未斜萋萋芳草奈天涯
維摩示病渠真病始悟拈花是掃花

那復圍碁伴謝公青鸞一去渺無蹤
彩雲易散流離碎也算麻姑小劫終

女風工手談奕勢有麻姑十三著女年適符其數

珠泪

三首

歙縣

鮑廷博

以文

樺燭輝生綺席霞虛將好事向人誇
誰知紅影雙搖

處不是人間竝蒂花

采藥歸來自怪遲補天石在手難施瑤池宴罷椒花落消得仙翁一首詩

合浦明珠去不回老懷更復向誰開碧桃花下春長在願與仙人埽綠苔

八月十四日同盧弓父學士朱映辰茂才集項文波孝廉萊園看桂卽席

步履隨幽徑閒園啓薜蘿自非招隱客誰共小山歌汀曲眠鷗穩樓高挂月多天香最深處一任晚烟和

九月八日同壽照過平望朱懋脩湖樓

曠望高樓急晚颼聊憑朱亥話相思垂虹秋色迎人遠
鶯脰斜陽落雁遲百里估帆真入畫數聲漁笛自催詩
年來總負登高約莫遣黃華照鬢絲

梁溪道中見新月

慧麓東頭月纖纖吐玉鉤未能啣遠照偏解挂離愁樹
隱斜邊堞烟橫墮處樓明朝鴻案外平長一分秋

晚次陽羨東萬香南茂才

落木蕭條古義興城荒蝦虎一層層閉門最憶陳無已
落魄誰憐張季鷹東閣哦詩秋擊盞西堂遲友夜畱燈
方回老去風流在乞與芳梅寫剡藤

香南工畫梅

徐謹庵晨窗砥目圖

餘不溪頭溪水碧寒烟不辨東西陌陌上縱橫深翠活
中有幽人履霜跡寒烟漸開日瞳瞳翠落踏徧心忡忡
不辭青霜沒兒足祇愁白霧蒙親瞳昔聞樽桑若木枝
崢嶸以之拂日日更明又聞神人金鋤可刮膜頗怪張
元事幽漠豈知妙藥在吾口能使羣醫皆斂手一砥昏
昏頑翳開再砥冉冉空青來日日晨窗砥不已割然公
海無纖埃頻年痼疾一朝失刺眼真同魚去乙卽今畫
裏光猶射坐令賢愚皆嘖嘖嘖嘖重嘖嘖事親誠有策
君不見東家生兒割股肉不如西家嗣子曰砥目

玉峯道中

依約寒江路蒼茫倚棹情樹連吳苑碧水到玉峯清墟
里三間屋乾坤百代名寧知遂園裏風雨黯田荆

小至日過婁東書院同盧弓父學士顧懷祖茂才
訪陸潤之書齋小集

學士齋頭屐印苔野王堆畔雪欺梅却憐玉琯飛灰候
忽叩琅嬛福地來壓架芸香均祕帙霑脣竹葉是新醅
玉山名勝開爐會不遇良緣詎易陪

聞秀吳素秋山行旅圖

數行衰柳共誰攀匹馬西風慘玉顏行盡望夫山下路

來朝應出畫眉關

朱春山茂才屢以新咏見投卻贈二律

寄奴才子吾深愛探得驪珠在握中
迅急三川瀉巫峽孤高一劍倚崆峒
平章花月歸同調驅使烟霞到別風
好是元和舊時脚春來又見發蘭叢

春山爲樊桐大令從孫

放浪湖山剩此身分題刻燭每逡巡
單師自卻千軍壘隻手誰扶大雅輪
孤竹問途慚齒老南州下榻見情親
從來國士無雙價肯許曹劉作後塵

寒夜得姚一如大令蜀中書卻寄

剝啄俄傳雙鯉魚驚風窸窣夢回初
殘年易阻千峯雪

短燭難窮萬里書自昔酒壚偏放誕祇今卜肆更何如
憑君喻蜀文成後爲問升沈慰索居

小寒食同蘭坻烏青泛舟卽事

三首
以下乙巳

觸棹和風杏酪香拂檐輕燕爲誰忙烏青戍畔雙流水
迸照桃花到夕陽

蠹魚堆裏闢蠶叢蹤跡年來似轉蓬野水平橋尋宋堡
人間何處飽清風

綠飲移
居宋堡

寒食東風草又青謝家飛絮滿江汀懸知社酒千家醉

不抵鯨魚一夜醒

時雲莊北
部以梅
溪上塚
不及同
游

題飛來野鶴

金鼓洞
仙跡

狼籍瑤華洞欸幽閒雲無繫悵悠悠華陽瘞帛碑連水
崔顥題詩月滿樓壁上龍蛇終是幻壺中天地幾曾秋
相思好在臨皋路記得橫江夜掠舟

率兒輩至羅漢灣拜外祖州司馬程紹夔先生墓

感賦疊蔣春雨明經韻

墓爲先妣程太孺人所營人稱孝女

云

千秋華表願非奢古墓同瞻路半斜烟繞白榆堪作柱
血和紅淚竟成花結隣北喜同威輩

墓在董蘿石先生墳之側

負土

人猶說大家最是東風寒食候紙灰爭撲上湖鰲

雨夜觀牡丹寄戚馥林茂才再疊前韻

震震濛濛晚漸奢徐徐整整復斜斜背燈祇道香籠霧

掩面誰知淚洗花
浥徧鴛鴦幃畔錦
驚回蝴蝶夢中家
明看溪水平添處
定有詩郵小底艫
揚子方言小舸謂
之艫注江東人呼
艫小底者也

春晚至墨陽舊隱

金沙泉北月臺東
鵲鬧鳩喧又晚風
狼藉海棠春滿地
幾疑人臥紫縣中

寄戚馥林三疊前韻

謝墅陰陰致不奢
萊衣恰恰受風斜
一杆晝算長生劫
三月春宜絮白花
東海賓朋初接席
南朝書史舊傳家
何時吉夢諧熊卜
賀檝齊排皂筴艫
馥林新移居
皂筴橋東

讀史有感四疊前韻

瓊樓真擬極天奢
璧月猶懸複道斜
一自中朝紛黨錮
遂成南部續烟花
野螢秋滿隋皇苑
杜宇春迷蜀帝家
可待虞淵沈落日
方憑殿壁畫河槎

送目耕之燕臺兼寄祝雨亭孝廉八疊前韻

常時歡會劇蘭奢
草綠河梁影半斜
別夢應分江北絮
離心先到日邊花
金能買駿何妨骨
髮到衝冠豈有家
君見荆高舊徒侶
爲言多病臥漁槎

古意九疊前韻

擲地榆錢太作奢
書空木筆任橫斜
頻頻著子海紅豆

滾滾渡江楊白花青鬢佳人偏去國錦帆浪子不思家
到頭輸與漁翁好網得西施載越艍

顧叟送桃十疊前韻

叟名均玉時壽百有一歲

剝啄何來顧戒奢仙根朗映玉盤斜雪時忍棄懷中核
開日應先世上花方朔三窺猶有跡劉綱各咒豈無家
顧婦八十餘尚齊眉因君更起乘風興笑指樽桑萬里艍
爲予家駕海舶往來明越間今數十年不作此游矣

叟自言壯歲嘗

陳問渠茂才照二首

小住幽林致亦佳圖成恰與素心諧荷風不動詩禪靜
正是摩尼欲瀉懷

南村月旦繼藍田弓冶懸知屬象賢萬柳溪邊陰最好
與君重話渡江年鄉先輩乾初先生君曾大父行也爲
戴山劉子高弟子時方撫先生遺事
爲年譜
故云

寓水仙閣卽事贈陳映千學博

海上孤城睥睨連春熙門對晚潮偏新涼未破除秋慙
舊館重開得水仙選樹閒聽蟬嘒嘒繞廊行數竹娟娟
今宵祇合薈騰醉且喜龍洲隔院眠

中秋後二日再寓水仙閣追懷堇浦先生兼柬陳

微貞上舍

洛高梧一院涼離離金粟又含芳漫言石隱同仙吏

卻借天花作道場往事多來河內笛新愁索付月邊觴
未知竹影工詞客窗字還添幾個香微貞工長短句嘗有見他竹影節窗疎疎密密總寫著個人兩字之句極爲蘊浦所賞目之竹影詞人云

哭延清姪

三首

驚風飄庭樹白日俄西馳躑躅蓬廬間俯仰將誰思
白
日不再中驚風無回枝撒君堂上瑟寫我心所悲停君
邱中吟聽我蒿里詞

蒿里渺茫茫心悲夜何長念昔少年日攜手共徜徉我
齒長視子十度蟀與倉從游得阿咸問業同師襄延清與子同受業朱汝誠夫子之門子才早卓厲下筆爛熳煌負茲青雲器高

步翰墨場驪珠旣耀握犀劒宵韜銑脫復遇所觸悲歌
激中腸顧予窮咄嗟蟻竅寒啼螯意子當早奮門楣庶
以光寧知萬里途不許驂驪驤豈其三春日轉促瓊枝
傷回思彌留夕呼我數憑牀欲言聲哽咽欲默淚滂滂
情知誠已矣何以慰高堂

高堂雪盈顛悼爾目長視八口竟誰託三日哭不止尤
憐所嬌女未辨梨與李匍匐向寢門喚耶耶不起分明
聞闌間隔甚千萬里鳴琴宛在牀散帙紛橫几脫手餘
丹鉛疇爲教而子哀絃將別鵠一夕神九徙安得召巫
陽爲我更剪紙魂兮早歸徠龍蛇歲窮只

游梁溪南禪寺

維梢古慧麓步屨聊孤游稍辭蓉湖喧欣卽南禪幽綠
陰散清樾紺殿飛乳鳩風篁尚含籜溪花半垂鉤巖松
韻自禽庭草簪仍抽纖塵絕蘭橈古雪泛素甌坐令凡
慮蠲恍挹上池流佛子四五人逍遙映林邱淨持可移
晷妙意非言酬苟能契予心奚必遠與休昏鐘烟際來
暝色連沙鷗踟躕杖山趾清境悵阻修回看七級顛閃
閃斜光畱

冬晚阻風硤石過應和昆弟話舊

食其山下寒停棹雪意風情了不仁竹裏三間尋瓦屋

雲邊一道望通津相韓未墜前修志

磊齋先生附祀戴山相韓舊塾詳謝

山文

集 失路空憐季子貧斟酌西窗今夜酒故應爭得玉

梅春

魏宮

塘上歌傳樂府嬌今年破賊更魂銷東風不與周郎便
銅爵焉能鎖二喬

冬晚懷鐵生

二首

之子吾深契天真爾獨完曠懷達士志莫竝酒人看野
鶴心長逸孤松韻自寒由來高此節未許歲華殘

湖山容嘯傲裘屐緬風流自抱竹林趣遂逃蓮社幽碧

蘿安晚計金粟妙前脩何日同真隱狂歌枕石頭

吳聞感興

一片暮雲合舊時羅綺叢我來尋渡處燈火亂流中白
虎銷沈劒蒼烟捲落楓興懷陸魯望猶作問吳宮

晚至善權寺

蕭齊古藺若雲構何崢嶸一逕入蒼靄彌天松吹聲巖
鐘蘇蝶夢谿雪阻龍耕向晚竹林下樵歌空復情

關山月

已抱一輪苦猶能萬里圓叫愁惟斷雁弔影自長天慣
引邊笳急常先聞夢懸玉關人在否暗數惜流年

懷陸相山房

臘盡古城下城荒鳥自啼君陽無遁叟喬木與雲齊我
讀頤山錄心馳湖汭溪那聞傳易處更在萬峯西

尋隱者

青谿鬼谷子長日臥烟霞祇益道心苦轉忘生計賒松
根支鹿柴屋角隱漁艇野水無人渡風吹山月斜

月臺

伊昔誰家院於今旅客居半墻荒薜合一榻夜窗虛鏡
影憐分際釵痕記刻餘江東謝希逸惓悵更何如

寄懷文漁

渺渺思公子行行涉歲闌玉梅三五夕明月一溪寒世
路渾基局生涯且釣竿知予更何事白首臥銅官

謁張蒼水司馬墓

南屏山頭樹撐鐵下有孤忠埋碧血山空雲散樹亦摧
碧血團成鍊同熱君不見浮萍一昔遭雨擊海水羣飛
白於雪何處輕艖尚可繫背倚金鰲立宮闕公時獨把
魯陽戈欲挽羲和麾列缺百里艤鱣蔽江下千仞石頭
飛礮燕雞鳴埭畔露香焚鐵甕城高亦掀揭白雲遙望
一軍哭桴鼓榮陽況連結羽書競欲名城射烽火旋看
西浙達天於宋德久已厭運去空坑終一蹶八公山色

寒蒼涼鍊鎖游龍滾江絕十九年來金甲破還汝迦羅
不畱蛻飄流懸舉軍已散逆命江城皆空裂卽今孤塚
隣栖霞寒食年年芳草苗故鄉路隔遺允盡野祭壻間
定誰酸

聖朝寬仁超萬禩易名曠典昭忠烈相從却憶諸義士
穴傍田橫葬猶渴

謂朱相玉張文嘉諸人

英雄事往雖已矣牧豎

樵童忍輕褻人心不死在後死麗牲特表穿中碣東海
可填天柱傾此石君看終不折

拜經樓詩集卷四終

拜經樓詩集卷五

起丙午
盡戊申

海寧 吳 簪 樣客

虢國夫人夜游圖

以下丙午

華清春月溶溶夜露洗花枝更姪姪宮雲暗接六街塵
香風爭逐紅驕馬當前一騎獨矜嘶衆裏懸知是八姨
瓏璫玉珮輕敲鞦韆縱絲韁淡掃眉薰天燈火明於晝
舉首翻憐兔華瘦未擬宣陽坊底回急煞雄狐對玉漏
伊家姊姊承恩徧不數深宮有飛燕三郎羯鼓正催花
妃子沈香待開譙墜珥遺釵爛不收金鞭揮處使人愁
直將萬國供湯沐銷得傾城幾夜游明眸皓齒千嬌迸

妙手難摹此時景漁陽鼙鼓一聲喧撲地楊花散無影
讀盧忠肅公傳

萬里長驅介馬塵金瘡痛裹墨衰新尚方有劒曾三賜
何不先將斬佞臣

相傳公出師時有回來斬佞臣之句殆所謂機事不密者與

送趙晉齋游關中

君到長安擁鼻吟天涯羈思若爲禁落花夜覆唐陵淺
野鳥春啼漢時深山拓秦關趨隴右樓高渭水見城陰
登臨莫更增悵悵羌笛由來多苦音

獨夜

梅花消息記南池淪落歸期總後時漫說挑燈仍獨夜

幾人聽雨不相思

逢陸貫夫處士

四海幾相識惟君契獨深學徵千載業劒話十年心弱
柳低迷色酣歌激楚音都亭橋畔酒悵斷欲分襟

春水

春水送孤舟春風欲畱客客心正搖搖風水相喧格歲
月不待人棲鬢吳霜白朝采國山薇晚蒸龍巖柏白雲
渺予思美人千里隔長歌歸去來東海有故宅

鼓瑟

鼓瑟湘江晚悠悠帝子靈若爲愁一點散作九疑青

宮詞

金井梧桐秋葉黃
玉池蓮葉負妃央
羅衣不共秋風捲
臥聽南宮清漏長

荆南旅懷

二首

漳溪楊柳綠垂絲
拂面東風寒食時
卻憶故園兄弟好
棠梨花下酒分持

鮑郎灣口澱紋生
野鳥空啼古墓平
獨有蘼蕪燒不死
隨風綠上國山城

題宋槧王梅溪集百家注東坡詩集

東坡先生天人流
學如退之蹈

孔孟諱

安知賦命落磨蝎

有甚南箕困斗牛烏臺案急獄吏貴元祐罪魁朋黨鉤
蠻烟瘴雨洗瑕謫崇山何異投鵝咬平生讀書破萬卷
肯效男女徒咿嚶嘲風咏月非漫與嬉笑怒罵蓋有由
諸儒競欲作毛鄭百家箋傳何紛繆永嘉王氏最後出
奮汰鉛汞存精鏤七十八門分類晰此書分門凡七十
有八而邵子湘謂
趙氏原本五十門金華呂氏省爲
三十二門王氏固之不審何憑二十五卷部次周嗣
是流傳寢已失芟併恣意當誰尤時本皆三十二卷三
十門其注則芟去什
三此本依稀尚宋槧銀鉤鏤畫參虞歐麻沙紙印建安
梓能事各擅東南州何來關防慶元字元時知作官書
收提學兼司曝典籍職分想見多清幽開卷有朱文鈐
記曰慶元路提

學副使邵晒理書籍關防蓋此書在元時曾入官
而元制提學官兼晒理書籍又史志所未見也 迨平

漢陽重插架瞰眼又驚三百秋又有朱文長印漢陽李廷相雙槍堂書畫私印

按文敏為宏治壬戌進士此印亦幾三百年矣神仙幾共脈望化背錦猶喜擣

菰畱明窗潔几試端帙古色黐黐香浮浮憶昔商邱老

好事主張風雅臨吳洲元之舊注苦放失元珠頗費象

罔求邵子湘補注蘇詩東家補亡已多事有識詎免相揶揄北

平祕閣重什襲商邱宋刻本今為翁覃溪直閣所藏而我得此願亦酬編

年分類各有體燕瘦豈為環肥羞紛紛世俗尚軒輊何

異蠻觸尋戈矛拜經樓前梅月亞對酒且盡花間甌人

生萬事著夢幻玉兒終愧東昏侯斯春士人事詳容齋隨筆

施伶墓

二首 在泚水埭側

六幅湘裙夢尚迷
一坏泚水占芳蹊
他時古塚文成後
記取儂家舊姓西

清歌幾日罷檀槽
故物空存蜀錦幘
若使返魂真有術
餘香乞與鄭櫻桃

棗下歌

種棗伊何人
棗生垂屋角
屋空人不歸
棗熟人爭剝
音撲
剝盡莫咨嗟
來年還復花
君看剝棗人
亦自歸黃沙
歲短恨常多
空聞棗下歌

憶審山團硯示簡莊

硯爲高且中故物
哲初上人藏

食其山上梅花衲日對泮妃妙相團膩想紫雲和露割
軟疑綠雪趁風搏一泓貯月暮長滿十手抄經晚未乾
回首人間幾塵劫研山流落玉蟾殘

偕簡莊榕園游西山哲公房

十笏無塵地雙峯插戶寒竹烟停晚錫花雨溼晴闌衣
照薇泉潔愁憑石友寬欲攀無上義媿我鬢絲殘

江南思

不向江南路寧知旅思多涼風吹宿雨夜渚落秋荷驚
靜聞魚躍螢輕拂枕過誰家流水調暗與別愁和

沈遼翁壽杯詩同松靄大令作

周春引曰乾隆丙午夏五同秉淵過陳樹屏齋頭觀
所藏銀杯相傳爲仁和沈太史斗虹家物太史名筠
字開平康熙己未舉鴻博入翰林其封君邁翁生日
同年製杯爲壽每一杯中鑊四人名姓李來泰毛奇
齡錢中諧黎騫爲一杯秦松齡汪楫朱彝尊沈珩爲
一杯施閏章尤侗彭孫遹袁佑爲一杯方象瑛龍燮
周慶會龐塏爲一杯曹禾李澄中喬萊曹宜溥爲一
杯凡二十人未及其半也樹屏祖祠部公爲太史壻
向得而寶藏之今僅存其五予索人繪圖復與同志
賦詩以紀其事騫按沈筠康熙己未進士以翰林院

庶吉士應博學宏詞科改授編修遼翁名嘉楨庠生
竝詳毛奇齡制科雜錄

錢塘古名區卓犖誠多英抗懷希往哲撫物增遐情歷
覽西河書懿彼遼翁名子衿夙所賦鱣序馳芳聲矯矯
汗血駒千里追風輕頡頏在霄漢聲華播崇京驂雲列
仙駕鳴珮鶴驚行招邀倬直暇家慶疇不榮微文謝雕
組纓綬爛光瑩一行爲羣拜百爵何辭盈陟蘭日以永
谷鳥嚶其鳴銘匱輔年錄刻舟泣同盟自非曾閱賢詎
易鄒枚并憶當罷酬獻撫漑珍媼嫻卻憐咏絮儔攜伴
銀河笙百年俯仰間絳甲俄已更星離亦雲散存者宜

其精茂先負絕識流咏要我賡會毫詒奇製披卷神興
征風雲雖殊會堅質亮逾清何當剪蟬翼脫手翠墨生
分攜碧山查挂席還蓬瀛

雪夜

乍似無聲乍有聲竹邊蕉上打來輕西窗夜半玉琴折
一榻臥聽魂自清

長河道中

以下丁未

暝色延孤棹非烟晚未開梅邊問修水竹裏見層臺古
堞寒風落春堤積浪回誰家吹玉笛離思暗頻催

硤石同應和李氏園觀梅歸賦

西山寒光千丈強下勒霜汞歸銀塘我初倚欄香雪海
推篷惟見雲荒荒須臾巖麓變新霽一林東旭瞰扶桑
吟朋牽率妙選勝風帽欲試追唐裘板橋不懼蹇驢滑
荆扉似苦俗客防軒窗亦復饒雅樸彷彿鄧尉山邊莊
旋攀菌閣出林際還乘皓鶴隨雲翔天風吹我不知遠
唯聞玉珮聲琤琮心魂已到兩絕境豁然冷豔開天閭
蕊珠仙人清且妒一塵不染羅浮香欲持元氣傲春色
故應管領先羣芳誰與玉笛忽三弄瑟瑟眉髮回古涼
十年舊夢落埃壙昔雙元鬢今繁霜故人知我重惜別
舉袂欲卻干明璫馬仙井畔一分手江天漠漠風飄裳

歸來三巡踖殘月惟恐佳興墮渺茫澆愁急買春滿
關門剩有書堆牀孤燈明滅照不寐賦詩聊寄谷水陽

送友人省親甬上

二首

近聞陳子訊知爾念親憂江入桃花浪帆開杜若洲
雲晴縱眺落雁晚思儔早寄趨庭句因風慰別愁
離愁春不管烟樹遠如屯若到三江上應知百粵尊
玉璫參旅味石蜩驗潮痕卻待西歸日開尊與細論

皋亭道中卽事

四首

踈地垂楊夾去津天桃如面太酣春舊游彷彿遺民老
卻望秦亭似故人

董浦先生晚自號秦亭老民

一抹紅霞暈臉明
尊前不惜玉山傾
卻憐鶯語渾無力
故撚琵琶作泛聲

離離荒塚白楊栽
拾翠人來又一回
惟有紙錢歸不得
半爲蝴蝶半成灰

江籬初長一川平
燕子低飛故故輕
想得看花人去後
東風漁笛晚來橫

東歸漫興示秋讀

東風催去棹侵曉
出重闌柳暗迷青
靄花飛點綠蘋漸
添禽語緩轉喚客
愁新記否甘村路
年時貰酒頻

戲咏清明狗

二首

杏粥香和粉錯牙蒼黃巧製出山家韓盧宋雉非無勇
輸爾年年玩物華

汲汲喪家狀亦奇尾長寧謂續貂宜英雄自古羞功狗
莫共寒芳薦子推

和秋讀皋亭歸舟作

黃鶴山雲雨後蒼緋桃半面泣殘妝春光莫似奔雷急
畱取花輿載阿香

原作

海寧
胡楷聖木

超山雲白小林蒼雨洗花枝霧洗妝此去故園雙燕
子啣泥應帶碧桃香

柳

嫋嫋垂楊柳依依過雨痕一行低拂面三月黯銷魂桃
李風徐約鞦韆影半蹲永豐坊角路玉笛又黃昏

梁溪寫望

秦餘峯頂支硎脊雨態雲容兩不真撥盡芙蓉湖上棹
轉從天末見嶙峋

同緣飲家枚菴訪楊慧樓進士於松陵小集湖樓

王西莊光祿適至

二首

躡屐下姑蘇揚帆逕石湖爲憐揚子宅可釣季鷹鱸屏
拓峯千疊樓高酒百壺此中容嘯傲身世一菰蘆

遠塔垂虹外孤城釣雪邊
碧蘿三逕雨芳樹五湖烟
客至巾初墊春移景未遷
三高祠下水相與定忘年

予以庚子歲築藏書之樓名以拜經頃緣飲游新安購得明鄭昉畫拜經圖見貽率酬二絕

學古名樓事偶符故人攜贈出天都
祇緣個裏詩書氣不共烟雲化綠蕪

三徑荒烟帶草青千竿紆竹自娉婷
主人未必全如我不解窮經祇拜經

得周耕厓孝廉燕臺詩卻寄

洛溪攜手恨河梁旅食頻年霸水旁
豈有蛟龍愁網罟

都無騏驎脫風霜漸離市遠歌猶激郭隗臺空草自長
早晚秋風動歸興一竿相伴老漁鄉

游五松園

臨頓千秋里師林萬仞巖乍疑青峭境迴出化工劖水
樂喧陰洞荷風卸石帆辟疆游舊盡落日悵筠杉

絕句

簪簪閒隨放鳥徒滿天雲影接秋菰故人欲問扁舟興
家在江南東蠡湖

永安湖晚望

二首

一曲湖堤隱釣灣四圍山翠溼雲鬟瑤綸閣上閒舒眺

不見人還見鳥還

非烟望裏極空濛
明媚時流黯澹中
若把西湖比西子
永安猶未入吳宮

綠飲文瀾過訪南祠因同晚步湖塘卽事

三首

戶鑿烟霞窟庭垂橘柚陰
往來逢二妙臭味本同心
白鷺滄洲闊青山碧里深
紫芝能共采聊此散幽襟

迢遞中湖路招邀愜晚情
天高羣雁下木落萬峯橫
入寺僧迎屐輪松鶴舞坪
郎官流賞後能不素心傾

欲去頻攜手將前趣復延
雲泉垂孟姥霞嶺界談仙
塔隱中峯磬人收下
潁田蒼蒼石門路海月逗初圓

南湖

渺莽南湖路迢遙晚興賒遠烟浮落日歸雁守寒沙樹
老丹餘井冰飛雪後花轉憐穿峽棹柔櫓互咿啞

喜倪敏脩明府歸自漢中

車箱入谷三千里釣水辭家二十春峻坂風烟還叱馭
門墻桃李已爲神

君在江南所取士吳觀相傳沒爲山東某邑城隍

重尋舊日

鋤經地卻訪新來臥甕人相對怡然成一笑懸知不是
爲埋輪

桃溪贈爲竹器者

翦取凌雲織翠微憑君寬作四邊圍書生拓落真無用

欲借鸞籠與寄歸

立春夜雨荆南山館感興示壽暘

玉女春方至龍巖雨忽雷
水簾妨蠟屐冰柱冷晶鹽
燭短杯頻引爐深火細添
拊心思往事凍筍又抽尖

善權寺

龍巖半霏雪松暝烟初合
踏破幾山雲芒鞋寒未涇
溪光照斜廊谷響遠相荅
有約伴枯禪無嫌逼殘臘

元日示壽暘

以下戊申

南岳晴雲日東風解凍辰
杯輪婪尾後盤飮早蔬辛
爆竹驚山魃秧歌樂社神
千秋孝侯里風俗自含淳

登獨山寺閣

小閣支離碧四環
古松流水日潺潺
居僧祇是牢扃戶
不放閒雲浪出山

有寄

白頭猶是客天涯
寒勒江城柳未芽
卻憶小樓聽雁日
一簾春雨坐梅花

歸途口號

越網千絲暮雨霏
吳綿二月冷征衣
歸心如煞孤帆影
偏向青山缺處飛

真娘墓

闔閭城邊烏夜飛武邱山下行人稀東風吹墮彩雲影
彷彿當年舊舞衣歌塵不到棠梨道雨打真娘墓頭草
昨日花枝今日老人生能得多時好

蘇臺感興二首

二月江城雪壓梅閒披風帽上肯臺千巖寒色天邊盡
一片簫聲市上來濁酒不澆亡國恨春風如訴暮潮哀
登臨底事尤難遣懷友思鄉白髮催

高下樓臺矗翠微蕭條城郭半斜暉拂林鳥訝穿花屐
入寺僧留掃塔衣歌想空廊聲裊裊春憐故苑柳依依
多情卻讓香溪好曾送吳王鬥草歸

文瀾以寒玉名其山莊予戲易爲暖玉并系二絕

時文瀾
未有子

戶外雙桐引故枝庭前百子鑿新池
鶯鶯燕燕歸來日正是藍田玉暖時

萬樹垂楊弄晚風飛花處處撲簾櫳
最憐三月春深候一座山莊暖玉中

戲爲九絕句

分曹何處張吾軍小閣低簾捲夕曛
約略秦淮風味好秋波微送馬湘君

天外鷓鴣恨不窮一枝花落後庭空
人間多少句留處

偏自雙飛入漢宮

滿堂紅豔門清妍萬轉千回怯比肩白足禪僧思敗道
莫教輕預散花天

步兵廚下曉風新百子池頭別有春若使黃金鈴索在
可能牢鎖玉麒麟

鏡裏青蛾幾日挑香爐灰燼夢徒勞儂家自有妃央配
未許吳兒奪錦袍

何處公孫躍馬來旌旗樓榜順風開不知大小分天地
空把千兵一擲回

粥餽西園萬貫貲文王鼎在竟誰支卽教四角縱橫甚

天策中權未可知

狎客天然趣味同
龍亭來往四門通
新奇色樣宜春服
拜賜雙披出內宮

四極蒼茫換底愁
鍾陵王氣已全收
長年不識回龍地
白晝攤錢怨石尤

涵碧軒晚興

澄軒靜如鏡
竹樹交煙環
川光與雲態
宛轉離合間
閒鷗晚自浴
碧荷坐堪攀
層坡隱空曲
小作蛾眉彎
下有野犴橫
孰爲前境慳
涼蟬吟高柳
斜陽暖西山
翛然步履餘
徐看夜珠還

臨平道中

石函湖水漫悠悠草沒荒臺樹隱洲何處涼風更牽思
白蓮花下小漁舟

沈啓南相

惲南田筆

石田先生曠世才烟霞滿裏詩滿懷於時妙手誰復繼
異代獨許蘭陵偕何年泚筆作此像滿堂動色皆神往
惜哉不遇畱守翁耕石烟雲同供養瞿稼軒先生酷愛石田跡當作耕石
軒以鬚眉流轉風塵外瞥見還驚東野拜連山真跡世
無雙合此同藏亦千載子舊藏白石翁仿子久連山夾澗圖卷後有稼軒手跋洵神品也

湖堤春興二首

小雨如酥著草微風帘酒幔半烟霏青芝隄畔垂垂柳
又醺輕寒上客衣

曾向重樓被酒眠玉驄驕囁繡連錢重來怪得春風靜
人在鞦韆院外船

偶得陳言揚先生抱膝圖漫題其後

先生在當時氣尚絕流輩舉手摘匏瓜低頭測圓蓋自
從姚江歸其學益汪濊詞源峽倒流雲夢胸吞芥沈酣
宋齋裏幾下五經拜時焉獨抱膝形影兀相對奚必梁
甫吟連爾无龍概音容今邈矣丹青閱人代逡巡落吾

手彷彿驚坐在緬懷古真人不與塵劫壞英英頰上毫
顧盼盡雄態豈無盈觴酒相慰風塵外磊落故難平欽
歎定誰會終當尋合璧妙舞看巾幘

先生尚有
觀舞圖

寄鐵生

初陽臺畔日徜徉人說蒙泉是古狂萬疊烟巒收畫幃
半天江雨落琴牀紅塵不到游仙枕蠟屐常畱選佛場
白首心知漁釣侶何時重與話滄浪

許儒珍茂才山齋讀書圖

昔賢著讀書投老謝外慕矧伊貞秀姿夙負巖穴趣碧
玉繞舍流嵐翠於焉寓茲辰屬多暇開篋理緗素山光

動虛帷離合時亦屢心游述作場胸漬賢聖慮往者雖
云遙何異旦暮遇我欲登龍山高步追元度餘年了所
業豈曰能溫故以茲彌結念夢繞螢窗樹披圖忽見之
一笑情莫選深感靜者心日夕知所務炳燭尚分光松
扉良可錮

臯亭道中

臥柳翹汀鷺風荷枕釣灣半間秋水閣支盡夕陽山

哭水邨孝廉

三首

銜遠樓高送客杯洋梅子熟淚空摧湖山舊侶凋零盡
又弱先生一個來

今春君飲子於邨遠樓指庭前洋梅
謂予曰此花頗佳惜子熟稍遲耳未

題畫寄姚一如大令

何處風帆樹杪行
故人觸熱正南征
白沙翠竹江邨客
聽得涼蟬四五聲

訪盧弓父學士於龍城書院卽席畱別

千里相思一夕游
蓉湖重繫十年舟
敢將白髮稱同調
猶喜青編得預紬
筆讓龍門終古健
秋歸蛟渚萬峯稠
後期屈指知何許
月滿西湖舊酒樓

過查林

到氏好兄弟
耦耕東舍東
幽居數畝宅
交友得任公
查熟輸餘稅
詩成和晚風
六朝文物盡
徒悵草連空

過史山人居

步屨尋東城陰晴時屢變
脩然亭館幽適我邂逅願徑
曲葉堆門籬疎菊猶粲堦前一泓碧樓頭萬峯獻魚鳥
解親人烟雲爲繾綣主人碧山隱相對意忘倦清琴橫
坐隅圖史恣流玩拂拂古香餘泠泠叶幽讚我來荆渚
上蹤蹟樵漁半契君足音語轉惜別袂判何當謝世緣
茹芝同歲宴

冬晚荆南山居

殘臘頻看此地過誰言樵斧重漁蓑屋頭嵐翠寒山疊
枕上溪聲夜雨多晚境不遮蛇赴壑羈棲漫比鶴巢柯

芳春更擬尋三洞與借仙田種玉禾

題畫

橫坡十里帶平沙隔岸山光樹半遮
好是畫溪春穀淨微風吹得釣絲斜

拜經樓詩集卷五終